

黔南叢書

第五集第九冊

平黔紀畧卷十五

黔南叢書第五集

貴陽羅文彬
華陽王秉恩 編纂

同治七年戊辰春正月初四日席寶田會李元度攻拔

黃號荊竹園老巢分下羅家巖七寨並判官頭二十

餘寨比夜再破覃家寨覃崽崽二何繼述劉義順走

偏刀水羣賊分走水源溝巖科玉華山上大平轎頂

山黃平北石阡西餘慶東別於開州稱大轎頂以形似名如馬鞍之類多不可悉數寶田元

度會軍進攻轎頂山以彭芝亮率章貴軍七千出覃

家寨攻偏刀水寶田出龍溪牌坊營沿途招撫江外

脅從諸賊高台聶定邦辜正邦及涓潭唐忠皆來降

署貴西道兼安順知府畢大錫稟畧曰府屬雖經

汪炳璈招撫然東南二十餘里賀興仁諸賊猶據羊

補納小革老府南二十五里東毗羊補納北距甯谷枝大革老均五里數陷附近

屯洞正西鎮甯十三旗有苗賊黃金印等據么鋪大

山哨府界而六合團距府二十里黃泰吳明山丁興邦

等先爲趙軍以勒糧逼變上結十三旗下逼諸團同

叛並與烏束隴裸里河府東四十五里距舊州五里諸仲夷合初

泰與興邦等自五年州屢失人無所歸乃陽爲齊團

禦侮陰散號片黃旗迎黃金印據十三旗建僞號遠
近皆應至是諸賊逼府城大錫城守請援曾璧光檄
傅必榮童三元馳赴十九日泰等突入定南汎城逐
副將池友蓮出友蓮奔府遇賊青桐林軍潰以數騎
走免餘軍久之始集二十五日賊犯府城必榮始至
同友蓮分擊大錫應之賊退么鋪 苗教復出思州

羊橋

府東北九十里

剽畧龍源屯青谿喻家屯

縣東北百九十里銅仁南

五十里

旋東南走招田

思州東二百四十里芷江西八十里

出

席李軍後羅孝連分扼江口牛場坡貴東道陳枚以

副將李鎮南率洋礮隊會防賊知有備遂旁出湖南

麻陽潰楚軍走芷江殺牛屯一作平思州東回黃道

司楚軍敗之牛場坡孝連鎮南再敗之張海屯賊還

走思州黑巖與張海屯毗思陳枚稟畧曰軍務吏治

事本相因不容偏廢雖大兵進剿而無吏治善其後

亂未已也黔省下游全恃客兵緩急難恃兵民不習

一切守禦撫綏胥歸官吏客兵不問也方今下游府

縣譬諸瘡痍漸無完膚官吏不惟不能自強甚至資

生無策仰給團民卽有才具可爲者卒亦坐困而不

肖者藉口無力日事議捐議罰兵燹子遺粗能自給
一遭虐吏幾無餘生是賊赦而官不宥也無如下游
府縣皆視爲畏途朝委夕辭實以糜爛之餘毫無養
給稍知自愛者不肯蹈此陷穽窮極無聊者因以肆
其貪婪是處此時勢不惟不足勵賢能且並無以懲
庸劣吏治若此安有起色自古朝廷用人必先有以
資其身而後可以責其效故雖庶人在官者亦必祿
足代耕前此易佩紳曾有以楚軍需濟黔吏治之議
實係探本之論惜未議行惟黔省裕財之道釐金外

別無可圖至仍取之民間是羸弱而加之朘削也竊思鉛爲黔產四川瀘州設有鉛局成都歲解銀八千歸道庫買鉛此外各省買者尙有聞委員往往賤價私售歸公無幾又胡林翼撫楚時以川省協餉辦川省鹽斤以道府大員官運官銷其時川省發給楚鹽往往稍昂故川省樂爲而楚北亦因之獲利如黔省可以照辦則下游不乏銷售乞飭下司道詳議地方幸甚 潘老帽集苗賊並都江千四千六賊掠百六車廠圍攻古州各營護古州總兵周玉成馳援不利

敗走署遊擊易乾定上江千總夏秉中朗洞把總張
順秩及都司曹德勝千總孫龍標額外趙本樹皆陣
沒上言賊卽前殺莫芝茂之拔貢生楊嘉相及楊丙

申等叛結所致旋出平江

古州東四十里

平引

古州東七十五里

去

玉成始回 二十八日席寶田督軍克轎頂山禽教

首石廷士馬文祖等斬之餘賊走猴場玉華山曾璧

光以玉華與開修僅隔一江以提督張文德馳防江

口文德遣副將戴榮宗遊擊滕代榮赴開州據眞武

山並規鼎照

二月初一日李泉源攻板模民屯九千賊集援敗泉源
遊擊鄭家恕守備全德明陣沒先是上巴乃及羊奉
民將降疑懼未果會泉源殺方村團首莫予相莫東
海等復至板模徵舊欠吳德容軍糧衆仍叛故敗曾
璧光以泉源久無功檄黃清源代之令勦平洲六洞
諸賊 鼎照賊數敗退守張文德檄田興貴自養龍
間道會勦初四日攻賊卡創退遊擊馮城龍舒善選
陣沒文德聞敗復督林從太等繼進破其二卡正冠
降正冠故開州生員久降何得勝者至是反正旋與

余士舉分道過河擊江外賊正冠出綠莎平破抱老
頭寨士舉出沙子河襲破米平金山寺何得勝妻黎
氏繼起集玉華山上大平羣賊拒軍初七日童三

元會畢大錫軍擊賊安順楊家塘府西南十五里敗還參將

余義章陣沒下河苗賊旋南出薛家鷄場至羊場壩

即后一羊場普定南十五里鎮甯東北五十里府南四十里皆賊營遂與十

三旗諸賊合陷汪官屯府南二里三元出蔡官屯大錫出

鄧家堡鎮甯東七十里分西南進擊賊少卻二十三日巖大

五等復敗三元及署安順都司祝朝柵於水塘府南五里

追至城下大錫方敗賊城北急還守 初歸化白牛

屯武舉羅朝元及老山唐瑞廷數以團衆捍賊至是

長寨賊入火烘結苗衆襲殺朝元及瑞廷閤家因結

貞豐回賊由王母石屯再陷大羅屯脅降團首周文

德署永安協左啓龍赴援 席寶田破走諸賊軍銳

甚至是以鎮遠苗賊犯沅州遽回軍轎頂山仍爲賊

據時思州賊復出牛場坡銅仁南六十里金大鵬被圍孝連

解之九松旋至擊潰防練犯府城據柑子衝府南七里會

寶田前軍撤回擊敗賊寨杉場賊由茶店走銅仁南三十里

楚軍遂回於是黎平賊復掠走孔團丙洞府東南十八里

里又一署參將李秀祥乞援沅州寶田檄防遠口總

兵李金榜以七百人馳赴兵少不能進南路賊復陷

忠義大團也洞府東八里清柱賊仍出遠口金榜復馳

回又苗首羅洪亦以數千人走合永從六洞都江賊

仍出古州六洞賊以下三洞爲最強楚邊防軍駐平

茶且爲四脚牛高赧賊府西南百五十里牽制不能分

援興義府久陷賊貞豐全境亦爲馬仲及黑苗盤

據張定中金萬照據新城如故僅存興義安南兩縣

而代理興義知縣吳保慶代理安南知縣周佳琦皆

逼賊不能自立先後走回省署興義知府兼普安知

縣劉正朝僅自保會巧凹

府東二十餘里

團首謝洪順爲鄧

忠言府城僅回賊百餘戶另築內城自守外城漢民

亦止數百戶聞屢欲樹旗降約東南鄉團練刻期嚮

事請忠往統其衆忠以易襲難守辭而輕騎赴普安

就商正朝 蹇閭以三營防遵義安定諸營未到軍

單不能進取李元度催會剿且以偏刀水後路無兵

慮賊他軼二十四日閭遂馳赴樂營寨以都司田應

豪赴高台就下游降衆無歸者選精壯七百餘人練
成軍時元度軍屯偏刀水攻東南北而慮西路覺林
寺及水涯子龍鳳諸賊遙應閭因遣千總李元隆戴
振邦率練軍分進並檄黎佐清移牛場應援元隆及
降人聶定邦等招降龍鳳松烟六賊營

三月初一日聶定邦等進擊覺林寺賊乞降朱明月潰
圍南走定邦邀禽之龍鳳寨明月本姓張名保山遵
義火燒舟人以罪徒外赦回與劉義順并起據鼎山
爲白號首至是伏誅既而覺林降衆不堪楚軍虐逃

去數百人駐屯山寨間給口糧拊循之時統領援黔
川軍四川候補知府唐炯以總兵劉鶴齡白綦江先
進沿途收撫四十餘寨初十日抵偏刀水十二日炯
亦至偏刀水地狹而長初將玉龍扼險築壘軍潰爲
賊據益修治分八門守賊衆皆黃白號焚軍屢攻不
下都司李盛武程修武譚品芳守備張怡鳳等先登
並沒士卒多死傷復以開花砲急攻賊驚呼爲天砲
頗畏之王超凡集荊竹園諸逸賊圖來援炯及鶴齡
等軍扼南路防之何繼述何發喜田應武王禮廷遣

人赴營乞降炯函約李元度來會商元度時駐雲山
寺距軍百八十里以病不至彭芝亮等意主戰炯因
不許賊降會攻掘長濠困之超凡援至六郎屯炯遣
降人李明遠先據屯守復檄參將吳洪貫已革知州
顏佐才等取趙家營扼賊來路又約閭乘超凡出援
遣軍進取燈木園水源溝黃號閭以何行保取豬場
遊擊鄒紹南及田應豪取銀瓶壩賊皆走閭旋馳至
羊叉坳思南西百二十里距銀瓶壩二十里時賊多集烏
江南惟燈木園水源溝在北閭復約炯分軍助炯遣

振武軍唐大有赴之 十二日潘老帽出黎平育洞

辦團縣丞楊開泰禦賊陣沒賊旋陷寨蒿汎城虜朗

洞參將舒澤淇闔家去周玉成遣澤淇弟澤洛馳擊

賊遣澤淇反拒不從害之古州同知澤沾奔黎平寨

蒿爲清江及高羊諸寨要隘同知白廳陷駐此賊旋

走千洞賴洞

府西百二十里

大溶

西九十里

九朝

西百五里

苗首張秀

密據務弄遙爲應

務一作霧府西北百六十里

陳枚函致席寶田

以龔繼昌戈鑑謝蘭階等至破走秀密鑑同蘭階等

仍回防繼昌移剿南路齎匪 曾璧光檄護安義鎮